



TE PUKAPUKA POUAKO

TE REO MATATINI (Te Reo Whakaputa)



TE KAUPAE 1 (NZQCF)

32415 | Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki (Ngā Whiwhinga: E 5)

Ngā Rā Tuku Aromatawai ā-Waho

Te Wāhanga 2: I mua i te 29 o Mei, 2026

Te Wāhanga 4: I mua i te 28 o Oketopa, 2026.

Te Whārangi Ihirangi

He Kete Manarua.....	2
----------------------	---

32415 Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki

Ngā Tūmahi Aromatawai ā-Waho.....	4
-----------------------------------	---

Te Tūmahi Tuatahi – He Tūmahi Tuhituhi	4
Ngā tohutohu.....	4
Ngā Kaupapa Tuhituhi.....	4
Te Tūmahi Tuarua – He Tūmahi Kōrero.....	6
Ngā tohutohu.....	6
He whakamārama	6
Ngā kōwhiringa kaupapa	6
He Mahi Tāmiro	7

Te Paerewa.....	8
-----------------	---

Te Tautuhinga Aromatawai	12
--------------------------------	----

Te Whakatakotoranga Aromatawai ā-Waho.....	12
Ngā Herenga Aromatawai ā-Waho	13
Te Motuhēhē o ngā mahi o ngā ākongā	13
Te Tāpaetanga me te Hāponotanga.....	14
Ngā Rā Tuku Aromatawai ā-Waho	14



He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuatanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.



Te Reo Matatini (Te Reo Whakaputa)

32415 Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki

(Ngā Whiwhinga: E 5)

Putanga ako 1:

Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki.

Ngā paearu mahi
1.1 Ka kōwhiri i ngā rautaki matua e tutuki ai te pūtakenga whakawhiti kōrero, tuhituhi hoki.
1.2 Ka mārama ngā whakaaro matua.
1.3 Ka whakamahi i ngā āhuatanga reo e hāngai ana ki te horopaki, te hunga whakarongo, me te hunga pānui.
1.4 Ka tika te reo.

Ngā Tūmahi Aromatawai ā-Waho

Te Tūmahi Tuatahi – He Tūmahi Tuhituhi

Ngā tohutohu

Whiriwhiria **TĒTAHI** o ngā kaupapa e toru e whai ake nei hei mahi tuhituhi māu.

Ngā Kaupapa Tuhituhi

Te kōwhiringa kaupapa tuatahi: Tōku whenua taurikura, ōku wai koiora. He tuhinga whakaahua te āhua o tēnei momo tuhituhi.

Ko tāu, he tuhi i tētahi tuhinga whakaahua e whakamārama nei, e whakaahua nei i tētahi ākau, moana, ngahere, awa rānei. Anei ētahi pātai hei whakaarotanga māu:

- Ko wai te ingoa o tēnei / ēnei tūtohu whenua?
- He aha te hītori o aua tūtohu whenua? He whakapapa tōna?
- He aha ētahi o ngā pānga kino o te tangata ki ēnei wāhi? (i.e. parakino, horo whenua etc.)
- He aha te hiranga o ēnei tūtohu whenua ki a koe, otirā, ki tō whānau, hapū, iwi anō hoki?
- He aha ngā momo kare ā roto ka toko ake i roto i a koe i te wā ka noho koe ki ēnei tūtohu whenua?

Kia kaha ki te whakamahi i ngā nuka reo ki te whakarākei i tō tuhinga.

Kia **150–300** ngā kupu neke atu te roa.

Te kōwhiringa kaupapa tuarua: He ahi teretere, he ahi kā. He tuhinga tautohe te āhua o tēnei momo tuhituhi.

Ko tāu, he tuhi i tētahi tuhinga tautohe e whakapoapoa ana, e akiaki ana i ōu whanaunga kia hoki mai rātou ki te noho ki runga i ngā whenua o tō whānau, hapū, marae, iwi rānei. Ehara i te mea me noho rātou ki tāwāhi. Akene pea, he whanaunga ōu e noho ana ki rō taone.

Anei ētahi pātai hei ārahi i a koe:

- He aha ngā take kia hoki mai ōu whanaunga ki te kāinga?
- He aha ngā uauatanga me ngā wero o te noho ki tāwāhi?
- He aha ngā hua mehemea ka noho ēnei whanaunga ōu ki runga i ngā whenua o tō marae, tō hapū, tō iwi?

Kia kaha ki te whakamahi i ngā nuka reo ki te whakarākei i tō tuhinga.

Kia **150–300** ngā kupu neke atu te roa.

Te kōwhiringa kaupapa tuatoru: He kaupapa motuhake.

Māu anō tētahi kaupapa e ngākau nui ana ki a koe e kōwhiri. Kātahi ka whakaputaina e koe tētahi tuhingaroa.

Kia kaha ki te whakamahi i ngā nuka reo ki te whakarākei i tō tuhinga.

Kia **150–300** ngā kupu neke atu te roa.

Te Tūmahi Tuarua – He Tūmahi Kōrero

Ngā tohutohu

Kōwhiria **TĒTAHI** o ngā kaupapa e whai ake nei hei kaupapa kōrero māu.

He whakamārama

E āhei ana te kaupapa nāu i tuhi i te tūmahi tuhituhi te whakakōrero, ā, whiriwhiria rānei tētahi atu o ngā kaupapa e whai ake nei hei kōrero māu.

Me mau ā-hinengaro ngā kupu o tāu nā kōrero. **Kia kaua e pānui i te tuhinga i a koe e kōrero ana**, ka mutu kia Māori te tū ki te kōrero ā-waha, ā-reo, ā-tinana mai.

Mā te kaiwhakahaere tō kauhau e hopukina ki te mīhini, kia rite mai koe ki te tuku i ō kōrero ka whakamōhio atu ki te kaiwhakahaere.

Ngā kōwhiringa kaupapa

Te kōwhiringa kaupapa tuatahi: Te Matatini ki te ao, Te Matatini ki te iwi. He kōrero tautohe (persuasive) te momo o tēnei kōrero ā waha.

Ko tāu he whakatakoto i tētahi tautohe ki te komiti whakahaere o Te Matatini ki te whakatū i te kaupapa ki roto i tō iwi. Anei ētahi whakaaro hei ārahi i a koe:

- He aha ngā take ki te whakatū i Te Matatini ki roto i tō rohe?
- He aha ngā rauemi me ngā rawa o te iwi me te rohe e āhei ana tō iwi ki te whakatū i tēnei kaupapa?
- He aha ngā painga me ngā hua mō ki te tini ngerongero ka tae atu ki roto i tō rohe mō te whakataetae nei?
- He aha ngā painga me ngā hua ki tō iwi mehemea ka tau tēnei whakataetae ki waenganui i a koutou?

Kia kaha ki te whakamahi i ngā nuka reo ki te whakarākei i tō tuhinga.

Kia **2-3 mēneti** te roa o tō kōrero ā waha.

Te kōwhiringa kaupapa tuarua: He aha tō te ingoa? He kōrero whakamāramatanga te momo o tēnei kōrero ā waha.

Ko tāu he tuhi whakamāramata e pā ana ki te ingoa o tētahi tūtohu whenua o tō iwi, marae, hapū. He aha hoki ētahi o ngā kōrero katoa e hāngai ana ki tēnei / ēnei ingoa. Anei ētahi whakaaro hei ārahi i tō kōrero ā waha:

- He aha ngā whakamāramata o tēnei ingoa?
- He aha te whakapapa o tēnei ingoa? He ingoa tūpuna?
- He aha te hītori o tēnei ingoa, otirā, e whai pānga ana ki tēnei tūtohu whenua?

Kia haka ki te whakamahi i ngā nuka reo hei whakarākei i ō kōrero.

Kia **2-3 mēneti** te roa o tō kōrero ā waha.

Te kōwhiringa kaupapa tuatoru: He kaupapa motuhake.

Māu anō i tētahi kaupapa e ngākau nui ana ki a koe e kōwhiri. Kātahi ka whakaputaina e koe tētahi kōrero ā waha.

Kia haka ki te whakamahi i ngā nuka reo hei whakarākei i ō kōrero.

Kia **2-3 mēneti** te roa o tō kōrero ā waha.

He Mahi Tāmiro

E āhei ana te ākonga ki te hono i ngā taunakitanga o Te Reo Matatini – Te Reo Whakaputa 32415 ki ngā taunakitanga o Te Pāngarau 32412 ki raro i te kaupapa kotahi.

Heoi, kia mataara, ka tuku i te Kete Manarua kotahi ki ngā Paerewa e rua mō te ākonga kotahi.

Te Paerewa

NCEA Te Reo Matatini me te Pāngarau

32415 putanga 2
Whārangi 1 of 4

Ingoa	Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki		
Kaupae	1	Whiwhinga	5

Whāinga	Ko ngā ākonga ka whakawhiwhia ki tēnei paerewa ka whakamahi i te reo kia tutuki ai tētahi pūtakenga whakawhiti kōrero, tuhituhi hoki.
----------------	---

Whakaraupapa	Core Generic > Work and Study Skills
---------------------	--------------------------------------

Ngā tohu	Paetae
-----------------	--------

Kōrero whakamārama

- 1 Ko tēnei paerewa, nō te huinga paerewa Te Reo Matatini me te Pāngarau me mātua kawē mō Te Taumata Mātauranga ā-Motu kua Taea. Ka aromātai tahi tēnei paerewa me, te paerewa 32413, *Ka mārama, ka tautohu i ngā whakaaro matu o tētahi reo ā-waha, o tētahi reo ā-tā hoki*, tae atu ki te paerewa 32412, *Te whakamahi pāngarau hei whakaoti rapanga o te ao o te ākonga* i ngā pūkenga tūāpapa o Te Reo Matatini me te Pāngarau e whai wāhi tonu ai te ākonga ki te ako, ki te mahi, me ērā atu āhuatanga o tōna oranga.

Kia puta ai te ihu o te ākonga i te ao, me whānui ōna pūkenga reo. I ahu mai tēnei paerewa i ngā taumata 4 me te 5 o Te Marautanga o Aotearoa, i te Tukutuku Ako – a Te Reo Matatini, kei te whārangi ipurangi ncea.education.govt.nz, ka mutu ko ētahi whakaaro i ahu mai i ngā tīrewa ako o te Tīrewa Marautanga. Me whai reo, me whai mātauranga, me whai pūkenga te ākonga kia whai take ai, kia āta kōwhiriha anō ai āna kōrero me āna tuhinga.

- 2 Te aromatawai

Ko ngā urupare a ngā ākonga, he reo ōpaki, he reo ōkawa rānei, a, me māori noa te tuku:

- a. Ko ngā momo urupare ā-waha.
Kia 1-2 meneti te roa o ngā urupare ā-waha, ka mutu me māori te āhua o te tuku.
- b. Ko ngā momo urupare ā-tuhi.
Me mātua tuhi te ākonga i tētahi tuhinga motukore kia 150-300 kupu te roa.

Arā pea ētahi hapa ka puta i ngā tuhinga me ngā kōrero a te ākonga, engari ka tutuki tonu te pūtakenga whakawhiti kōrero. Me aro tonu ki ngā kārawarawa me ngā wete reo matua pēnei i te pū matua, te ira kati, te piko, te tohu tō, (oro rua rānei) me te whakatakoto kōwae.

Ka tūturu, ka hāngai ngā kaupapa ki te ao o te ākonga.

Ahakoā kāore i aromatawaitia te katoa o ngā whānuitanga o te paerewa nei, ko tōna tikanga, mā ngā kaiako te katoa e whakaako kia mārama kehokeho ngā ākonga ki ngā āhuatanga whānui o ngā tini mata o te reo.

3 Taunakitanga

Kotahi te momo huarahi whakaatu taunakitanga:

Kete Manarua:

- Mā Te Mana Tohu Mātauranga o Aotearoa (NZQA) tētahi tauira e whakarite.
- Mā te ākonga me ōna kaiako ngā taunakitanga ka puta i ngā kaupapa ako i te roanga o te wā e kohikohi hei Kete Manarua.
- Ka maakahia hoki ngā whakautu ā ngā ākonga e NZQA.

4 He kupu taka

āhuatanga reo	language features
hauoro	pitch
horopaki	context
kahaoro	volume
kārawarawa	punctuation
kīanga	expression
kōrero āwhio	roundabout information
kōwae	paragraph
kupu kaupapa	technical words
me māori te āhua o te tuku	natural, unrehearsed
miramira	highlight
mita	tone
nuka tūhonohono	cohesive device
puna kupu	word bank
reo ā-tinana	body language
reo more	literal language
reo peha	figurative language
rerenga kōrero oti	full sentences
tātai kupu	spelling
tōai kōrero	repeat, repetitive
tohu ataata	visual
tongi matā	bullet point
tuone	gesture
tuhinga motukore	a piece of continuous writing
urupare ā-tuhi	written response
urupare ā-waha	oral response
whakaaro matua	main ideas
whakamahi	apply
whakaniko	sophisticated
whakapuaki	express
wetereo matua	basic punctuation
whakatika whaiaro	self correct
whakatakoto kōrero	expressing speech

5 Ngā rauemi

Paekupu – <https://paekupu.co.nz/>

Taura Whiri i te Reo Māori (n.d.) *Te Taura Whiri i te Reo Māori Guidelines for Māori Language Orthography*.

<https://www.tetaurawhiri.govt.nz/assets/Uploads/Corporate-docs/Orthographic-conventions/58e52e80e9/Guidelines-for-Maori-Language-Orthography.pdf>

Te Tāhuhu o te Mātauranga. (2013). *Te Marautanga o Aotearoa*. Te Poutaki Kōrero. (wh. 24-36).

Putanga ako me te paearu mahi

Putanga ako 1

Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki.

Paearu mahi

- 1.1 Ka kōwhiri i ngā rautaki matua e tutuki ai te pūtakenga whakawhiti kōrero, tuhituhi hoki.

Whānuitanga He whakapuaki anō i āna ake kōrero, he whakatakoto kōrero. Ka aromatawaitia ēnei.
He whakamārama atu anō, he kōrero āwhio, he tōai kōrero, he whakatika whaiaro, he whakaniko, he hoki ki te whakatika. Ka aromatawaitia kia toru o ēnei.
- 1.2 Ka mārama ngā whakaaro matua.

Whānuitanga he miramira i ngā whakaaro matua, he whakamahi tohu ataata, he whakamahi tongi matā, he whakamahi nuka tūhonohono. Ka aromatawaitia kia rua o ēnei.
- 1.3 Ka whakamahi i ngā āhuatanga reo e hāngai ana ki te horopaki, te hunga whakarongo, me te hunga pānui.

Whānuitanga He whakamahi i te reo peha, te reo more, ngā kīanga, ngā tuone, te reo ā-tinana, te hauoro, te kahaoro, te mita, te puna kupu. Ka aromatawaitia kia whā o ēnei.
- 1.4 Ka tika te reo.

Whānuitanga Ngā āhuatanga reo, ngā kupu kaupapa, ngā wetereo matua, te tātaki kupu, he rerenga kōrero oti, ngā kārawarawa me ngā kōwae.

Kōrero whakakapinga	I whakakapingia te paerewa 32414 e ngā paerewa 32413 me te 32415.
---------------------	---

Rā arotake	31 Tīhema 2026
------------	----------------

Kōrero arotake me te rā whakamutunga mō te aromatawai o ngā putanga i tautuku

Hātepe	Putanga	Rā whakaputa	Rā whakamutunga mō te aromatawai
Rēhitatanga	1	18 Hune 2021	31 Tīhema 2024
Arotakenga	2	29 Pepuere 2024	N/A
Whakahounga	3	27 Noema 2025	N/A

Ko te tohutoro ki ngā Whakaritenga i te Whakamanatanga me te Whakaōritenga (CMR)	0233
--	------

Ka taea te tiki atu te CMR nei mai i te whārangi ipurangi
<https://www.nzqa.govt.nz/framework/search/index.do>

He kōrero mo tēnei paerewa

Mehemea he whakaaro, he āwangawanga ōu mō te paerewa nei, tēnā koa whakapā mai ki te Tāhuhu o te Mātauranga (Ministry of Education)
(enquiries.national@education.govt.nz).

Te Tautuhinga Aromatawai



Te Paerewa Paetae	32415
Te Ingoa o te Paerewa Paetae	Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki
Ngā whiwhinga	5
Te Marau	Te Marautanga o Aotearoa: Te Reo Matatini
Te Wāhanga Ako	Te Tukutuku Ako
Te Tukanga Aromatawai ā-Waho	He Kete Manarua
Ngā Momo Tāpaetanga ā-Matihiko	He konae tuhituhi–.PDF (5–20 whārangi) He kiriata–.mp4 .avi .mov .m4v (<5GB)
Ngā Rā Tuku Aromatawai ā-Waho	E 2 ngā kōwhiringa: 1. Te Wāhanga 2: I mua i te 29 Mei, 2026 2. Te Wāhanga 4: I mua i te 28 Oketopa, 2026.
Ngā Wātaka Aromatawai ā-Waho	1. Ngā Rā Aromatawai 2026 2. 2026 Examination Timetable

Te Whakatakotoranga Aromatawai ā-Waho

He kohinga mahi, he kohinga taunaki rānei nā te ākonga i whakaoti i te roanga ake o te tau hei whakatutuki i ngā Paearu Mahi me te Putanga ako. Mā konei e puta ai te ihu o te ākonga i tēnei Paerewa.

He Tūmahi Aromatawai e ārahi ana i te ākonga ki te whakatutuki i ngā Paearu mahi. Ka whakamahi te ākonga i te reo matatini kia tutuki ai te pūtakenga whakawhiti kōrero ā-waha, ā-tuhituhi hoki, ā, ka kōwhiria ngā rautaki matua, ka mārama ngā whakaaro matua, ka whakamahia ngā āhuatanga reo e hāngai ana ki te horopaki, ka mutu, ka tika te reo.

E rua ngā momo Tūmahi Aromatawai o tēnei Paerewa:

1. Te Tūmahi Tuhituhi

Ko tā te ākonga he whiriwhiri kaupapa hei mahi tuhituhi māna. Ka tuhia he whakatairanga, he tuhinga taki, he tuhinga huritao, he tuhinga auaha rānei, he aha atu rānei, he aha atu.

Ka **150–300** kupu te roa o te tuhinga a te ākonga.

2. Te Tūmahi Kōrero

Ko tā te ākonga he whiriwhiri kaupapa hei mahi kōrero māna. He kōrero ōpaki, he kōrero ōkawa rānei, ā, he kauwhau, he kōrero whakamārama (mō tētahi mōteatea rānei, mō tētahi taonga rānei, mō tētahi pūrākau rānei, mō te aha atu rānei), he kōrero auaha, he aha atu, he aha atu.

E āhei ana tā te ākonga whakakōrero i te kaupapa i tuhia rā e ia i te tūmahi tuhituhi, tāna whiriwhiri rānei i tētahi atu kaupapa hei kōrero māna.

Ka **2-3 meneti** te roa o te kōrero ā-waha a te ākonga.

Ka mau ā-hinengaro te ākonga i ngā kupu o ana kōrero, kia kaua ia e pānui i te tuhinga i a ia e kōrero ana, ka mutu, kia Māori te tū a te ākonga ki te kōrero ā-waha mai, ā-tinana mai hoki.

Tēnā tirohia te Kete Manarua i te paetukutuku nei - [He Kete Manarua](#).

E whakaatu ana te Kete Manarua i t/ētahi tauira hei kōwhiringa mā te kaiako. Mā te kaiako tonu e whiriwhiri mēnā rānei ka whakamahia t/ēnei tauira, ka whakamahia rānei he mahi whakaharatau, ka whakaritea rānei he Tūmahi Aromatawai anō rānei.

Ko ngā Tūmahi Aromatawai i te Kete Manarua (tā te kaiako). He tauira hei kōwhiringa mā te kaiako, ka whakaritea rānei e te kaiako he Tūmahi Aromatawai kē. Tērā pea he rautaki aromatawai kē āna, hei tauira; he whakaaturanga, he whakamārama mō t/ētahi taonga, he mahi toi, he aha atu, he aha atu.

Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākonga.

Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te [Online Digital Submission Portal](#);
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna awhina, ki ngā puna kōrero;

- Ngā momo puna awhina, puna kōrero rānei:
 - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
 - » ngā pukapuka i whakaputaina;
 - » ngā pukapuka kāore anō i whakaputaina;
 - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): Tāpaetanga pūnaha hou a NZQA.

Kāore te Kete Manarua matihiko e whakahokia ki te ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a assessment.servicecentre@nzqa.govt.nz,
- waeahia rānei te NZQA Contact Centre i te 0800 687 296.

Ngā Rā Tuku Aromatawai ā-Waho

- 1. Te Wāhanga 2:** I mua i te 29 o Mei, 2026.
- 2. Te Wāhanga 4:** I mua i te 28 o Oketopa, 2026.

E rua 'Ngā Rā Tuku Aromatawai ā-Waho' e āhei ana te ākonga ki te tuku Kete Manarua mai. Heoi me rerekē ngā mahi me ngā taunakitanga o tēnā Kete Manarua o tēnā Kete Manarua ka tukuna mai ki a NZQA.

